

畿輔通志

第拾陸函



畿輔通志卷一百九十一

錄九 宦績九

國朝三

李梅賓

劉君成

熊釋祖

靈毓

李紹元

黃立隆

恆春

錢忻和

石贊清

以上天津府知府

顧高嘉

天津河務同知

張可立

鹽運司經歷

朱奎揚

周栻

謝子澄

以上天津縣知縣

法寰

吳貽誠

石拱極

馮澧

江安瀾

以上靜海縣知縣

嚴霖

青縣知縣

申偉抱

閔三元

姚孔鎰

張奎祥

沈如潮

以上滄州知州

孫文驄

滄州巡檢

白龍昇

何中舉

馬士瓊

魏運世

以上南皮縣知縣

畿輔通志

卷一百九十一

宦績錄九

一

錢廣居

董良性

朱鸞鸞

黃貞麟

熊士晉

劉慶麟

胡以昭

彭良騫

尹士芳

以上鹽山縣知縣

張必科

李芳春

張碩抱

盧元培

李興祖

韓契

吳煥

李炳生

金士仁

以上慶雲縣知縣

任鼎

慶雲縣典史

王啟會

正定府知府

杜澹

胡文學

以上正定府推官

侯殿邦

趙世顯

姜臣斌

唐純

周瀨

以上正定縣知縣

高熊貞

吳茂林

以上井陘縣知縣

岳宏譽

顧爾極

周榮

程家駿

以上獲鹿縣知縣

王組

王人雄

潘紹烈

張聲价

郭珍

王啟俊

謝寶樹

以上元氏縣知縣

胡公著

丁象鼎

陸隴其

李發甲

程焯

黃秉銓

汪執恆

賈霖

馮章

趙京錫

凌圭發

以上靈壽縣知縣

趙炳

王望

張孝時

李芳茂

席光縉

王大猷

桂超萬

唐盛

以上藥城縣知縣

裴承榮

范平

湯聘

劉凌雲

童華

以上平山縣知縣

羅仰鑑

鄒尙易

以上阜平縣知縣

王廷傑

楊鳳岐

王秉直

連倜

施永中

劉伯宗

胡士程

以上行唐縣知縣

畿輔通志

卷一百九十一

宦績錄九

二

祖龍

史長昆

成永健

劉運灝

黃岡竹

趙士元

以上贊皇縣知縣

張從政

王世功

崔爾仰

傅澤洪

陳祖法

蔣祝

張傑

葛蔭梓

楊雲鰲

以上晉州知州

唐揚

晉州州判

高必大

祁時新

方正珍

張素志

張維城

以上無極縣知縣

范乃蕃

柯願

楊朝麟

以上藁城縣知縣

林華皖

衛執蒲

張曾裕

麻廷璈

以上新樂縣知縣

連登

高來鳳

魯僖

以上順德府知府

米襄

高顯

以上邢臺縣知縣

李興元

談九乾

孫鳳立

張孔源

傅鍾瑒

王衡 以上沙河縣知縣

高爾位

劉培運

周章煥 以上南和縣知縣

陳一新

陳天清

張應麟

趙弼

莫象年

趙道元

周連登

汪叔架

張光第 以上平鄉縣知縣

朱玉

趙元章

李汝南 以上平鄉縣典史

劉洪進

傅登榮

簡上

艾厥修

荆振日

郎鑑 以上鉅鹿縣知縣

錢國琦

龔承宣

劉檝

吳存禮

牛玉怡

丁志振 以上廣宗縣知縣

孫纘

趙必詵

許本銓 以上唐山縣知縣

王秉乾

汪宗洙

劉宗孟

畿輔通志

卷一百九十一

宦績錄九

三

徐祚增

楊泌 以上內邱縣知縣

吳懷忠

王原所

賀勳

徐鴻達

張有光

彭運章 以上任縣知縣

王嗣衍 廣平府知府

周憲會 廣平府同知

王報春

余維樞

朱世緯

丁應蕙 以上永年縣知縣

李時茂

李允登

張焯

陸拱辰

馬如麟

劉澧

范守恆

余承恩 以上曲周縣知縣

倪嘉璘 曲周縣典史

范大士

許國棻

王能任

萬申祺

王建中

戴芬

程正階 以上肥鄉縣知縣

師朝讓 肥鄉縣典史

吳應文

袁鴻謨

姜炤

朱冕

郎銘

黃在中

王光燮

以上雞澤縣知縣

石鳳洲

黃恂澤縣典史

顧如華

華士捷

陳鶴翔

以上廣平縣知縣

蕭秉楷

熊綸

鄭方坤

單鉉

富陞額

袁正林

盧昌輔

盧運昌

以上邯鄲縣知縣

鄭一元

沈昇初

王公楷

徐時作

李曰瑞

李蔚

楊昌江

李聯璧

以上成安縣知縣

馬九思

高汝樽

沈溶

以上威縣知縣

劉學坦

劉漢黎

曹笏

以上清河縣知縣

趙惟煥

清河縣典史

沈志禮

趙纘

任塾

蔣擢

俞鴻馨

以上磁州知州

晉淑軾

莊鈞

以上大名府知府

季璜

畿輔通志

卷一百九十一

宦績錄九

四

張夔

以上大名府同知

范名德

大名府通判

王輝

陳偉

俞兆增

翁燿

以上元城縣知縣

吳發

元城縣主簿

張垣

馬國徵

顧咸泰

王清彥

蔣芾

黎式儀

馬襄

周嵩

來謙鳴

陳睿

謝清問

喻元升

以上大名縣知縣

武三省

魏縣典史

田慶曾

方元啟

李天錫

潘開基

茹敦和

凌泰交

徐潤

楊得三

史近光

以上南樂縣知縣

張振義

南樂縣教諭

李儵生

崔維嶸

高文鑑

楊燦

鄒汝魯

顧光

王懷清 以上清豐縣知縣

楊日升

王縉

徐開第 以上東明縣知縣

楊天佑

孫棨

楊自強

李符清

楊桂森

焦家麟

毛永柏

劉煦

金秉忠

錢維錫 以上開州知州

程正性

柯仲實 以上開州同知

宗琮

秦毓琦

趙國麟

胡承璘

嚴遂成

屠祖賚

荷綬

吳鋼

張光會

趙綸 以上長垣縣知縣

劉世治 長垣縣典史

范時崇

呂猶龍

王者輔 以上宣化府知府

金毓浩

顏培天 以上宣化府同知

陸濬睿

方畿 以上宣化府推官

陳天棟 西甯管糧通判

周德榮

畿輔通志

卷一百九十一

五

陳坦

黃可潤

狄觀光 以上宣化縣知縣

張粥 赤城縣知縣

田仁

海鳳翥

黃良棟 以上龍門縣知縣

林宸機

歐陽枚

熊錫祺

潘應椿 以上懷來縣知縣

靳榮藩 蔚州知州

冉德

汪天柄

何芬

張充國

楊贊襄 以上西甯縣知縣

祖允煥

武一韓 以上懷安縣知縣

宋永清 延慶州知州

楊汝楫 保安州知州

國朝

李梅賓廣西臨桂進士雍正九年任天津知府府屬七邑皆濱海難治梅賓下車查糧冊立規條與民更始有訟者理論情格無不說服去創考棚修文武廟建石閘刊郡志製份生舞衣冬月製棉衣給貧乏署中惟一子一僕自隨人呼為李

佛旋擢山東運使

天津縣志

劉君成字生餘貴州貴筑監生乾隆五年任天津知府未蒞任微服至城溷迹市廛數日廉知匪棍姓名牌示於眾首匪曹某畏威悔過遽改行餘俱斂迹又禁釀酒以重民穀同熊繹祖字定思湖北京山拔貢乾隆十五年知天津府偶見城西白骨暴露心惻然乃捐廉倡率邑紳立天澤會置義地建骨塔復置靜邑陳官屯地十九頃二十七畝取租爲經費以垂永久

靈毓滿洲鑲黃旗人乾隆二十三年任天津知府慈祥愷惻每聽訟令原告人呼被告者至情恕理遣立判而去事無巨細不經吏役手商賈貨物被吏役侵漁者必代昂其值追償之有園夫訟某役以賤價封其園毓親率園夫往索倍其價畿輔通志卷一百九十一宦績錄九六而去其封次年以

丙召去任士民泣送城市擁塞不得行凡二日始出境

李紹元浙江仁和人乾隆五十年任天津知府絕苞苴杜請託西門汎卒王三夜殺人上官請勿深問不聽卒置之法邑向有天澤會義田歲收租爲掩骼費會河南歲歉饑民多流離至津卽取存租恤之全活甚衆俱同上黃立隆字定之湖南甯鄉人乾隆癸酉拔貢官河間同知隨嚮導大臣查灤濡二水源委繪圖說進呈

御覽

命藏冊府擢大名知府護本道事後調知天津府值歲旱辦賑不冒

不遺全活饑民無算以勞疾告歸卒

湖南通志

恆春字宜亭滿洲正白旗進士道光十八年任天津知府開

城池葺鐘樓修學棚平衢路復捐資立惜字社輸五百緡作瘞骨資以廉能稱陞永定河道洊陞雲貴總督採訪冊

錢忻和字香士雲南昆明縣人咸豐三年知天津府九月間粵匪橫犯津郡忻和躬冒矢石固守濠墻事平附祀長蘆鹽

政文謙專祠採訪冊

石贊清字襄臣貴州貴筑進士咸豐六年知天津府潔已愛下深得民心咸豐八年英吉利至天津制軍某走贊清聚水二甕於堂階曰夷如入脅則與吾妻死此矣未幾相國桂良與議和而去十年英吉利佛郎西入天津總督以下多受辱夷分住官舍惟贊清毅然不屈夷令其去曰取吾頭以往官舍不可讓也夷異之一日夷以五百人持兵入署扶贊清坐肩輿導入夷館曰非敢相難聞有兵欲燒吾船故假君為質

畿輔通志

卷一百九十一

宦績錄九

七

耳贊清不食後數日民情洶洶夷人恐命之去贊清不可曰吾如何來當如何歸也夷復命五百人前導以肩輿送之歸常首出一指稱之曰此好官也夷居天津數月贊清終不離衙署迄夷人入京師取和歸贊清皆不與聞方宗誠撰記事十一年

冬

特旨擢順天府尹有以資觀感之

諭去任紳民泣送數十里官至工部侍郎天津縣志

顧高嘉字南樓浙江嘉興進士康熙十四年任天津河防同知公正和平方懲情弊建奎宿樓開濠設閘以通水利己未旱蝗倡捐千金立粥廠賑饑全活無算去任後士民立碑誌

德

張可立漢軍鑲黃旗進士康熙四年任長蘆鹽運司經歷清

廉律已著有政聲從祀名宦

朱奎揚字南湖浙江山陰監生乾隆二十二年任天津知縣精於折獄疑案皆立剖有啞者婦私於人指其夫爲訛賴夫不能自陳奎揚投果於婦之幼子令分給其父而果給啞者遂仍以婦歸之去任時百姓送者塞路

周棻字未庵浙江諸暨進士道光十二年任天津知縣清正廉明豪猾斂迹民獻堂額曰兩月而治旋擢玉田以失察教匪去職咸豐十年粵匪陷諸暨殉難奉

### 旨賜卹建祠

謝子澄字雲舫四川新都舉人咸豐二年知天津縣有政聲三年粵匪由滄州竄至城西之稍直口勢張甚邑回民劉繼德者素驍勇因事繫獄子澄出之論以大義繼德感激願効畿輔通志 卷一百九十一 宦績錄九 八

死招集回民數千子澄親率練勇與繼德迎擊於得勝口斬其渠大敗之津民弋鳧者日雁尸子澄預募數十人俾匿小艇中賊敗竄呼渡時已昏黑排銃突發賊驚遁城危而復安後勦賊至靜海縣身受痛創赴水死之有衙役于鵬龍者同時殉難越日負子澄尸出面如生事

### 間奉

特旨照布政使陣亡例議卹入祀昭忠祠津邑人士建專祠於北門

外俱同上

法寰號怡雲膠州人明天啟丁卯舉人

國初除靜海知縣值歲大禱首捐俸散賑并勸當事者出粟千斛煮粥以濟饑民全活無算癸巳秋膠鎮海時行叛時寰里居聞變罵賊死之二子爽選皆遇害入祀鄉賢祠

山東通志

吳貽誠字荃石桐城人以主簿陞知靜海縣葺書院增膏火  
邑瀕海遇旱蝗起乘其未飛募士撲之踰年大水力請上憲  
按籍給賑存活無算安徽通志

石拱極字天一光州進士授靜海縣知縣調任吳江將行念  
靜海歲歉邑多逋賦終遺百姓累稱貸代完河南通志

馮澐字石洲四川舉人知靜海縣捐五百餘金置書院義田  
至今猶食其利靜海縣志

江安瀾字曉波廣西舉人知靜海縣咸豐三年髮逆入境勢  
孤不敵赴水死之同上

嚴霖浙江歸安人知青縣禮士愛民嚴保甲息盜訟水災捐  
築隄防請賑活饑民無算青縣志

申偉抱遼陽貢士順治七年知滄州清理逃亡滅除荒地民  
畿輔通志 卷一百九十一 宦績錄九 九

困以甦陞知泉州天津府志

閔三元遼東廣甯人康熙十七年知滄州歲歉多方賑濟州  
濱河築隄濬流民尤利之滄州志

姚孔鎡安徽桐城監生康熙四十二年知滄州歲饑奉

旨賑濟復捐資加賑二月

聖祖巡視河工經州境一切供應無缺事無擾民又滄爲濱海要區  
初設駐防兵民相構釁孔鎡多方開導人情帖然在任六年  
以艱歸里同上

張奎祥字星五華容人雍正己酉拔貢知遷安縣善聽斷熟  
河等關重案檄往卽成信讞十二年擢知滄州嚴禁包納修

築南關隄岸州人呼爲張公隄湖南通志

沈如潮字月海浙江桐鄉縣人嘉慶庚午舉人道光十三年

宰平鄉城北蝗起捐廉收買親督撲除平鄉志二十九年知滄

州治尚清靜喜文士公廉明察書吏不敢欺咸豐三年粵匪

犯直隸集紳士倡議團練募勇千餘人又捐修城垣九月初

祭鎮海門放塹水工方興而賊至如潮與城守尉德成迎戰

於紅孩口火藥車焚勢敗馳歸守城賊焚迎薰門入乃令眷

屬悉死賊執之索銀厲聲曰

國帑不能與賊賊怒批其頰拽至阜順當店命其跪不屈脅之

降不從遂被害子監生康吉兄如江姪康升婿桐鄉舉人四

川候補知縣姚學蘇幕友嘉興諸生徐炳榮海甯州管品三

門丁何煜家人王瑞李祥廚丁王條翟姓均被殺姪孫承熾

自縊奉

旨建專祠死者一並附祀

滄州于光哀弔知州沈月海詩杯土誰埋  
碧血香神光猶為護靈牀築城伊始嗟三

畿輔通志

卷一百九十一

宦績錄九

十

版練勇無多僅半行肘掣那堪同子賤齷穿空自說睢陽中

郎去後知音少瞥見瑤琴已斷腸滄州王國均弔知州詩

吾滄賢刺史政績著清勤可奈兵戈至旋驚玉石焚盟心惟

指日臨難不忘君大節昭昭著堪邀聖主聞

城亡家已破氣愈壯山河不顧鬼神泣翻嗟兒女多臣心當

若此國事竟如何賸有忠魂在長揮落日戈滄州殉難

孫文驄江甯監生滄州李村巡檢抵任三日粵匪破城堅守

獄門不動賊縱火被焚死同上

白龍昇滿州人順治三年任南皮縣知縣性剛毅廉潔大兵

過境挺身自理費省而民安聽訟不事鞭扑催科無暴吏而

輸納爭先當圈佔時多方護持心力俱竭陞知府邑人思之

天津府志

何中舉字文遠遼陽貢士順治七年知南皮縣時大盜就撫

餘黨多未靖中舉集鄉勇置馬匹器械操練精銳獲不悛者

置之法四境帖然邑當要衝民苦輸稅詳請革除之刑省政  
平畿內稱循良無出其右大計卓異

賜冠服陞知磁州晉江甯知府

馬士瓊西充舉人康熙十年知南皮縣時山左盜出沒境上  
游匪多爲之窟道士瓊稽土著察流寓禁游惰農隙時募勇  
訓練分曹部署擇民中沈毅者統御之一境肅然先是徵賦  
多踰額賦既重稅亦多不如程民苦鞭扑至有棄地轉徙者  
士瓊一律經制民咸感說邑去海數百里鹽多私販士瓊遣  
役密爲偵察並移檄屬境協力捕治皆斂迹逸去復懸賞緝  
逃民猾胥不得緣爲奸利有訟者推誠勸諭至於父子骨肉  
之際未嘗不流涕而遣之防卒爲民患士瓊立威痛懲邑賴

以安

南皮縣志

畿輔通志

卷一百九十一

宦績錄九

十一

魏運世字會期江西廣昌拔貢知南皮縣縣爲古渤海地疏  
下游七十里通積澇水患平蝗災設法趨之未幾卒於官

廣昌縣志

錢廣居字大可江南太倉州舉人順治元年知鹽山縣廉靜

不苟弭盜有方境內大治政最陞工部主事

雍正志

祀名宦

天津府志

董良性遼東歲貢順治三年署鹽山知縣土寇起親冒矢石

勦除有功闔邑立碑頌之

鹽山縣志

朱鸞鷲字翔千江南泰興貢生康熙五年宰鹽山邑承凋敝

後清田賦理詞訟緝逃人捕盜賊崇修廟學整理廨舍蒞政

五年百廢俱舉治績爲一時冠

同上

黃貞麟字方振山東卽墨進士康熙九年知鹽山縣剛正嚴

明無所瞻顧刊碑革弊修學禮士皆毅然爲之陞戶部主事

士民立碑以誌遺愛附黃貞麟鹽山口號六十韻作吏自述

掄於今來鹽山益信言非迂平原百餘里一望盡荒蕪哀柳

殘蒲間惟見狸與狐村落數晨星頽垣苦平塗男婦皆操作

出入無完襦行行近城郭野老爲前驅睥睨多殘缺往來成

通衢城中鮮居民祇有東南區上屋似穴處斥鹵遍闔閭敞

廬十餘間宛如荒利孤卽此縣衙署使君莫踟躕堂宇舊傾

斜大半少門樞短牆可排闥四壁走鼯鼯牆外見汗池翩翩

飛雁鳧胥吏索俸錢買米充庖厨今日踰小市明日乏午舖

粗糲可以飽何敢望豐腴中宵狂風起紛紛落籬墟月色照

榻上夜無鈴柝夫中外悄然靜高槐間嗚烏心悸不能寐倉

皇胥吏呼荒城太寥闊盜竊向有無胥隸復使君此事誠可

虞渤海佩刀劍從未靖根株今又臨旗屯處處憂萑苻公然

攫白晝不必問穿窬再詰何以故境內多逃逋既受賦役累

又爲逃人誣輕亦蕩家產重則株妻孥東臨大海濱往時設

網鼠捕魚作生計亦可辦稅租年來海防嚴功令禁船桴寸

木不許入犯之法必誅衣食無所藉私販聚鹽徒窮極且健

訟鋌而走險途長吏既傳舍殘黎脂膏枯撫字望使君幸極

爲生扶閭言步庭際一歎一長吁補救縱無術不敢憚勤劬

日盱未退食失心食茹茶但能完正賦忍復科鏹銖息訟類

鄉老惟慮逮無辜防禦清保甲口爲之卒瘁匆匆趨上谷爲

繪窮民圖再拜啟撫軍前言備陳敷剴切幾痛哭撫軍慨以

畿輔通志

卷一百九十一

宦績錄九

十三

俞旗屯肆虐害其患在切膚卽日拜章奏必不緩須臾餘者  
假便宜當與俗吏殊辭歸過滄河市井饒屠沽長堤馳駿馬  
攜妓美且都壯士持弓矢優人抱笙竽甫自畫船來高樓呼  
醍醐紅袖侑清歌携蒲雜呼盧日日逞鮮肥夜夜足歡娛借  
問伊何人上役及屯奴聽之長太息憂  
心如轉轆若輩既如彼鹽民安得蘇

熊士晉字詠庵湖廣江夏人康熙十七年由貢監知鹽山縣  
緝盜有方民賴以安十九年旱饑流民載道士晉倡捐七百

餘金立粥廠於南關望樹鎮活數萬人同上

劉慶麟字蕉林江西崇仁進士嘉慶二十二年知鹽山縣終

日坐堂皇任吏民白事有訟獄立判決無稽留者時言者以

海濱開墾陞科入告奉檄嚴查鹽山東北鄉多草荒地慶麟

依例勘辦不激不隨國課無虧而閭閻亦不擾卒之日弔者

如市時有胡公清劉公明之頌胡名以昭字朗山廣西臨桂

舉人嘉慶十五年知鹽山縣居官慈介政簡刑清尤雅意親

賢鄉之士有品端學優者必式閭敬禮卒於官民咸思之同  
彭良騫字晉生江西南昌人乾隆甲戌進士三十五年知鹽  
山縣邑故多盜下車獲巨斂劉老托莽牛等數人置諸法盜  
相戒勿過境山東人呂虎傷於路不能言良騫察其情狀密  
捕一人至一鞫而服遠近稱神君邑地丁向責富戶催納名  
日單頭富戶畏比代完往往被累蕩家產良騫立滾單法士  
民便之調天津縣濱海產鹽私販充斥良騫梟其渠餘弗聞  
上官以爲言曰民窮則爲盜絕其生是迫之爲盜也上官然  
之復修築隄埝以禦風潮巨浸之區悉成樂土積勞卒於官

南昌縣志

尹士芳字菊田山東歷城進士咸豐三年署知鹽山縣九月  
粵匪破滄州鹽與滄接壤土匪乘隙蠢動四境騷然士芳激

畿輔通志

卷一百九十一

宦績錄九

三

厲紳民與武舉劉光勳等倡團練得義勇數千人民氣爲之  
一振某鄉擒匪三人至立斃之後各團擒賊送者百餘皆訊

明正法人咸賴之

鹽山縣志

張必科蓋州人順治四年由貢生授慶雲縣知縣強毅有志  
節受事未兩月宿弊盡革會土寇至登陣捍禦賊至輒射殺  
之賊悉衆來攻必科射斃數賊忽絃斷手傷擲弓曰命也城  
破自焚死贈僉事

大清一統志 祀名宦 天津府志

李芳春蓋州人順治五年知慶雲縣邑當殘破之餘芳春年  
少賊甚易之乃與鎮防郭天培等密謀勦捕賊黨二千餘人  
訓練鄉民皆知守禦賊相戒不敢入境

大清一統志

張碩抱項城拔貢順治十一年任慶雲知縣幹理周詳案無  
留牘修學宮葺廟宇築濬城池興廢舉墜若恐弗及復嚴查

保甲簡練行伍文事武備皆燦然有條有奸人匿名羅織紳  
矜保留者數百人竟不能得去之日老稚遮道行李蕭然天津

府志

盧元培字鵬颺仁和進士康熙三年知慶雲縣寬裕和平蝗  
災申請賑濟民賴存活催徵不事鞭扑亦無逋賦丁憂去任

士民思之不忘同上

李興祖字廣甯奉天鐵嶺人康熙十三年知慶雲縣均田賦  
嚴保甲建社學修邑志興廢舉墜卓有賢聲官至山東鹽運

使慶雲縣志

韓契滿州人康熙四十一年知慶雲縣老成練達多惠政饑  
煮粥以食餓者四十三年大饑力請蠲賑民賴以生時盜賊  
竊發契恩威並用人倚之如長城後以憂去

畿輔通志

卷一百九十一

宦績錄九

十四

吳煥浙江錢塘人康熙癸未進士五十一年知慶雲縣才恢  
學廣敏於吏治蒞任數年不延幕友簿書案牘分析無留滯  
邑數有疑獄煥發伏摘奸洞鑒如神天津副使檢災至縣滄  
鹽士民沿途投牒皆乞檄慶雲縣審理其能聲動鄰封如此  
後陞府丞

李炳生字曜如陝西岐山舉人雍正九年知慶雲縣作養士  
類約已惠民嘗督河工見役夫曝背跣足爲之隕涕因事罷  
官囊無長物邑民競賚薪米以供朝夕左遷學博士民思慕  
焉

金士仁字嗣山安徽歙縣進士乾隆五年知慶雲縣八九年  
邑大旱請賑又

詔發帑金爲民穿井種樹買牛實心奉行民被其澤邑土瘠賦重申

請當路奏聞減額徵地糧十分之三卒於官士民哀痛如喪  
私親俱同上

任鼎山陰人任慶雲縣典史順治十二年馬寇逼城鼎率眾  
禦之奮勇擊殺以眾寡不敵力竭遇害民痛悼之

雍正志

王啟會字貽孫浙江人道光丙申進士咸豐六年署冀州知  
州清積案數百起蝗蝻率僚佐捕之州有村曰壘頭斥鹵產  
鹽比戶販鬻爲生計吏人魚肉之民弗堪命每結隊持械與  
吏抗勢寢橫大啟會單車入村召其父老反覆曉諭並惕以  
禍福眾跪泣願改圖後清河鹽匪肆擾無壘頭一人九年署  
廣平有刁生養無賴多人夜持利刀入人家劫少婦摘其罪  
竄之遠方城濠淤閉失修值歲饑啟會籌萬金仿以工代賑  
法日督挑挖越三月工竣多植物產歲數千緡歸書院資生

徒薪粟旣而畿南寇起連陷數城竄入廣測隍深滅頂乃遁  
永年縣西鄙素獷悍不供徭役先是縣尹率役督催劫止三  
日始得還啟會會辦團練校藝於場故示團長曰某某村不  
法吾奉檄將捕之西鄙聞之懼介士流乞恩願盡三日完宿  
逋許之遂納課執役豫省告警擬辦團防有邯鄲幹役李自  
有者被訐縲縶來府廷察其才可任會有劇盜巢深山役莫  
之制乃試曰汝能擒以獻當赦爾罪破械縱之去自有入穴  
縛其魁並獲其從五六人遂授爲練長俾募勇丁備調遣嗣  
攻鹽匪眾敗死之同治四年署深州兵燹之後民氣未復啟  
會減課稅汰陋規清釐積案控告者不設牌期隨時訊結被  
誣監押暨因事株連者悉訊明釋放民如更生深土城多坍塌  
塌啟會權借民力按段分修其磚石木料及犒賞之需倡捐

廉俸千金又集貲起四城敵樓數旬工訖踰歲寇至入城避  
難者數萬人固守獲安六年授正定知府時捻匪蠢動城西  
北隅沙積若岡阜攀堞可上捐廉除治之工竣卽清查保甲  
招募勇夫以備不虞郡有夷館從其教者恃勢爭良民產搆  
訟啟會訊鞫從公教主入署語多不遜啟會厲言曰良民吾  
民也教民亦吾民也教民行教中事吾可不知也教民爭良  
民產不可不理也今聊示薄懲使知法耳再犯當重刑之教  
主斂容謝過去明年捻匪北犯啟會集練勇造旗幟銃礮火  
箭火彈列城堞並分給各團擊賊聲威赫然賊遠遁不敢逼  
正定爲用兵孔道帶甲往還者多驕恣民患之啟會先時治  
舍館於郊備糗糧禮其長約定法律兵民各安蒙保薦以道  
員卽補

畿輔通志

卷一百九十一

宦績錄九

夫

賞戴花翎嗣會國藩來督直隸復密摺薦之尋以病致仕歸述行

杜濼濱州人順治丁亥進士授正定府推官隨總督張存仁  
平榆園賊所俘獲咸就訊於濼濼錄渠魁釋脇從活數百餘

人山東通志

胡文學字人言鄞人順治壬辰進士授正定府推官井陘賊  
聚衆事敗以僞牒株連者數百人文學惟接治其黨舉僞牒  
盡焚之人情始安巨盜高鼎踞西山垂二十年遠近騷動文  
學請益兵防守專意招撫鼎遂降以卓異擢御史大清一統志

侯殿邦字晉錫儀封人順治辛丑進士知正定縣邑南滹沱  
河歲爲巨浸商旅裹足殿邦爲建大橋境內沙壓地萬餘畝

賦多逋積力請豁除致政歸河南通志

趙世顯漢軍鑲黃旗廕生康熙二年知正定縣獎拔人才嚴